

ROGO: se poñan eses panis canto antes, mellor se é antes do verán, polo aquel do turista que nos visita.

A concelleira, SRA. CANAL GÓMEZ, pregunta ao Alcalde polas xestións que ten realizado en relación á supresión da peaxe de Rande, respostándolle o Alcalde que lle contestará no próximo pleno.

E, non habendo máis asuntos que tratar, pola Presidencia dase por rematada a presente sesión, sendo as vintedúas horas e dez minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 115 do Papel Timbrado da Comunidade Autónoma de Galicia, Serie A nº 1177975 ata a volta do folio núm. 121, Serie A nº 1177981, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL

**SESIÓN EXTRAORDINARIA CELEBRADA POLO PLENO DO CONCELLO O DÍA 14 -
XULLO - 2006**

ORDE DO DÍA

**ASUNTO ÚNICO.- PROPOSTA DE NOMEAMENTO DE VOGAL NO CONSELLO DE
ADMINISTRACIÓN DA AUTORIDADE PORTUARIA DE VIGO E A SÚA RÍA, EN REPRESENTACIÓN
DO CONCELLO DE REDONDELA.-**

Na Casa do Concello de Redondela, sendo as nove horas e un minuto do día catorce de xullo de dous mil seis, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, MARIA ALBINA REBOREDO SURIS, D. CARLOS GONZÁLEZ FERNÁNDEZ, D. MANUEL IGLESIAS CARRERA, D^a. FRANCISCA CANAL GÓMEZ, D. FERMÍN ALFAYA PAZ, D. ANTÓN DÍAZ MOURELLE, D^a. M^a DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, D. ALEJANDRO BASTOS FERNÁNDEZ, D^a. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretario, o Secretario Acctal., D. BERNARDO SOTO LÓPEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asisten, os/as Sres./as Concelleiros/as D^a. CECILIA PÉREZ ORXE, D^a. PURIFICACIÓN SERRANO CAVIEDES, D. RODOLFO PATO GARCIA e D. JUAN TIZÓN CABALEIRO.

A Presidencia declara aberta a sesión, en primeira convocatoria, procedéndose a trata-lo único punto da Orde do Día.-

**ASUNTO ÚNICO.- PROPOSTA DE NOMEAMENTO DE VOGAL NO CONSELLO DE
ADMINISTRACIÓN DA AUTORIDADE PORTUARIA DE VIGO E A SÚA RÍA, EN
REPRESENTACIÓN DO CONCELLO DE REDONDELA.-**



(Sinatura do Presidente)

Folio N.º 122

Serie A N.º 1177982

A proposta da Presidencia e de conformidade co establecido no artigo 82.3 do Regulamento de Organización, Funcionamento e Réxime Xurídico das Entidades Locais, o Pleno do Concello, en votación ordinaria e por unanimidade dos/as Sres./as Concelleiros/as presentes, sendo dezasete votos a favor (8 do PSdeG-PSOE, 5 do PP, 1 do B.N.G., 2 de R.A., e 1 de EU-IU), acorda ratifica-la inclusión do presente punto na Orde do Día.

ANTECEDENTES.-

Polo Sr. Alcalde dase lectura a Proposta da Presidenta da Comisión Informativa de Interior de data 10 de xullo de 2006, que transcrita dí:

"Visto o escrito do Secretario Xeral da Consellería de Política Territorial, Obras Públicas e Transportes de data 28.06.06, rexistrado de entrada o día 07.07.06, baixo o número 06342, no que indica que o vindeiro día 26 de xullo remata o mandato de 4 anos do vogal que representa a este Concello no Consello de Administración da Autoridade Portuaria de Vigo e a súa ría., polo que, para os efectos de proceder a un novo nomeamento de acordo co establecido no artigo 40 da Lei 27/1992, de Portos do Estado e da Mariña Mercante, solicítase que antes do vindeiro 15 de xullo se remita a correspondente proposta.

En virtude do que antecede, a Concelleira Presidenta da Comisión Informativa de Interior ó Concello Pleno,

PROPÓN

O nomeamento a favor de D. XAIME REI BARREIRO, Alcalde-Presidente do Concello de Redondela, como vogal do Consello de Administración da Autoridade Portuaria de Vigo e a súa ría, en representación do Concello de Redondela."

INTERVENCIÓNS.-

A concelleira Sra. Canal Gómez, dí que o asunto non foi dictaminado pola correspondente Comisión Informativa, polo que anuncia a abstención do seu grupo político.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as presentes, sendo dez votos a favor (8 do PSdeG-PSOE, 1 do BNG e 1 de EU-IU), e sete abstencións (5 do PP e 2 de RA), acorda aprobar a Proposta da Presidencia da Comisión Informativa de Interior, nos antecedentes transcrita.-

E, non habendo máis asuntos que tratar, pola Presidencia dase por rematada a presente sesión, sendo as nove horas e cinco minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 121 do Papel Timbrado da Comunidade Autónoma de Galicia, Serie A nº 1177981 ata o folio núm. 122, Serie A nº 1177982, de todo o que, como Secretario, DOU FE.-

O ALCALDE

XAIME REI BARREIRO

O SECRETARIO ACCTA

BERNARDO SOTO LOPEZ